

Ministerie van Binnenlandse Zaken en
Koninkrijksrelaties

> Direkshon di remitente POB 20011 2500 EA Den Haag

Presidente di Tweede Kamer
di Staten-Generaal
POB 20018
2500 EA DEN HAAG

**Ministerio di Asuntunan
Interno i Relashon den
Reino**

DGOBDR
Democratie

Turfmarkt 147
Den Haag
Postbus 20011
2500 EA Den Haag

Karakterístika
2024-0000001317

Bo karakterístika

Anekso(nan)
0

Fecha 15 febrüari 2024
Tópiko Karta Tweede Kamer Balansa Geográfiko respekto Areglo
Supsidio i Intensifikashon di Maneho Pasado di Sklabitut

E karta aki ta pa informá bo Tweede Kamer tokante e proposishon pa elaborashon mas aleu di un repartishon geográfiko entre e parti Karibense di Reino; Aruba, Boneiru, Kòrsou, Saba, Sint Eustatius i Sint Maarten, Hulanda Oropo i Sürnam, respekto e Regeling voor Maatschappelijke Initiatieven en de Beleidsintensivering (Areglo pa Inisiativa Sosial i Intensifikashon di Maneho) for di e reakshon di gabinete riba e rapòrt "*Ketenen van het Verleden*" (*Kadenanan di Pasado*).¹

Gabinete ta haña importante, manera a indiká anteriormente, pa uso di e medionan tuma lugá den sinkronisashon ku e komunitatnan di desendiente i otronan enbolbí na Hulanda Oropo, e parti Karibense di Reino, i Sürnam. Pa por yega na elaborashon konkreto ku nan, ta importante pa e gabinete krea kuadronan finansiero kla pa esaki. P'esei, manera tambe a anunsiá den e karta di progreso di 23 di yùni di aña pasá, gabinete a proponé un repartishon geográfiko di e medionan pa e Regeling voor Maatschappelijke Initiatieven en de Beleidsintensivering (Areglo pa Inisiativa Sosial i Intensifikashon di Maneho) entre e parti Karibense di Reino, Hulanda, i Sürnam. Akibou lo splika e areglo aki.

Repartishon geográfiko Areglo pa Inisiativa Sosial:

Na tur, pa e Areglo pa Inisiativa Sosial tin € 100 mion disponibel, pa kua gabinete ta proponé un repartishon geográfiko di 1/3 parti pa e parti Karibense di Reino, 1/3 parti

¹ [Slavernijverleden | Tweede Kamer der Staten-Generaal](#)

pa Hulanda (Oropeo) i 1/3 parti pa Sürnam. Esaki ta impliká € 33 mion pa kada área. Aki ta importante pa e medionan ta fásilmente aksesibel pa e destinatarioman pa ken nan ta intenshoná, pa garantisá inklushon den uso di e fondonan, miéntras ku tambe ta tene efisiensia i legitimidat di uso di e medionan na bista.

Repartishon geográfiko Intensifikashonnan di Maneho:

Den elaborashon di intensifikashonnan di maneho, nos ta mira ku e manera di traha i e ritmo den e parti Karibense di Reino ta pidi klaridat tokante e kuadronan finansiero. P'esei ta proponé pa reservá un máksimo di € 33 mion pa e parti Karibense di Reino, i ku a base di esei lo elaborá un pakete di medida. Di e 33 mion en todo kaso lo finansia e promesanan for di e reakshon di e gabinete dia 19 di desèmber 2022 pa e parti Karibense di Reino i e promesanan for di e asina yamá kartanan insular di 19 di desèmber 2022.

A diskutí e promé ideanan tokante repartishon pa kada isla i e posibel medidanan di e € 33 mion reservá durante e 'Catshuissessies' na Sint Maarten, dia 1 i 2 di òktober di aña pasá, i lo sigui elaborá nan den e periodo benidero. Desendiente, organisashon sosial i e gobièrnunan di kada pais i isla tin kontrol di esaki i ta determiná e ritmo. Unda ta posibel i deseabel, lo buska pa e paisnan/ islanan traha huntu entre nan. Ministerionan di BZK i OCW tin un papel di apoyo i fasilitashon den esaki.

Pa Hulanda i Sürnam tambe ta konta un repartishon di 1/3 parti pa Hulanda i 1/3 parti pa Sürnam komo punto di salida, for di e 100 mion disponibel. Huntu ku desendientenan i otronan enbolbí, e mandatarionan enbolbí lo yega na un konkretisashon mas aleu di e plannan, ku mester ta entregá dia promé di yüli 2025.

Relashoná ku e intensifikashonnan di maneho, e gabinete ta bisa ku medidanan mester tin un link direkto ku e ophetivonan menshoná den e reakshon di gabinete di 19 di desèmber di aña pasá, i ku e mester garantisá efisiensia i legitimidat di uso di e medionan.

E Grupo di Guia Ministerial Pasado di Sklabitut lo evaluá e proposishonnan a base di e kondishonnan básiko esensial aki, i despues determiná nan. Ademas ta esensial tambe pa e medidanan tin sosten di desendiente i otronan enbolbí, i ku e ehekushon ademas ta tuma lugá den kolaborashon estrecho ku desendientenan i esnan enbolbí.

Den primavera di 2024, lo informá bo Tweede Kamer mas aleu tokante elaborashon di e Regeling voor Maatschappelijke Initiatieven en de Beleidsintensivering (Areglo pa Inisiativa Sosial i Intensifikashon di Maneho).

Sekretario di Estado di Relashon den Reino i Digitalisashon,

Alexandra C. van Huffelen

Minister di Asuntunan Interno i Relashon den Reino,

H.M. de Jonge

Minister di Asuntunan Eksterior,

Hanke Bruins Slot